

sibenzig jaren alt, wie Werli Mader geredt und vom Strubjeger gehoert. Das hab er och von sin vatter zum dickern mael gehoert. Huobmaister lieh durch sinn fuorsprechen reden, er welte sinen obren und im als amptman ir inreden wider die kuntschafften zuo thuon behalten haben. Diser sagen und gerichtz begerrt der obgenannt vogt brief und urkund, die im uff min ummstraeg underr minem insigel zuo geben erkendt worden sind. Ze urkund han ich richter im disen brief uff sin begerrn mit minem usgedruckten insigel als mit urtel erkendt ist, doch mir und dem gericht one schaden, offentlich besigelt. Geben an mentag nach sant Bartlomestag nach Christi gebuort fuonfzehen hunderrt und fuonfzehen jaere.